

詞

綜

補

遺

詞綜補遺卷十三

長洲 陶樑 緝

宋詞六十八首

歐良 十三首

趙必瓊 一首

梁棟 二首

黎廷瑞 十四首

陳紀 一首

徐瑞 一首

黃鑄 二首

蕭元之 三首

鄭斗煥 一首

葉士則 一首

李好古 七首

方君遇 一首

曹良史 一首

吳大有 一首

胡仲弓 一首

李宏模 一首

張桂 二首

劉天游 一首

楊韶父 三首

卓田 二首

鄭夢協 一首

王曼之 一首

趙時奚 四首

趙時行 一首

趙崇霄 一首

趙必昂 一首

歐

良 字聖弼 江人 三貢於鄉 景定三年進士 官江淮坑冶司幹官 有撫掌詞一卷

隱居通議聖弼文典實莊重嘗為樞密包道夫作進周禮六官辨表范去非謂余曰聖弼作此極有手段憑虛駕空自成一片去非與聖弼交情不孚而當時公論如此

長相思

不思量又思量一點寒燈耿夜光鴛衾閒半牀
雨聲長漏聲長幾陣斜風搖紙窗如何不斷腸

又

雲垂垂雨霏霏祇恐今年花事遲不然孤負伊
燕飛飛柳依依有箇人人傍翠屏愁橫雙黛眉

又

雨如絲柳如絲織出春來一段奇鶯梭來往飛
酒如池醉如泥遮莫教人有醒時雨晴都不知

又

燕來雙蝶來雙飛去飛來楊柳旁問伊因底忙
綠紗

窗篆爐香午夢驚回書滿牀
茶聲春晝長

風光好

柳陰陰水沉沉風約雙鳬立
不禁碧波心
孤村橋斷
人迷路舟橫渡旋買村醪
淺淺斟更微吟

愁倚闌令

東風惡宿雲凝忒無情合
造梨花深院雨斷腸聲
枕上春夢初醒紅窗外
何處啼鶯已辦春游
雙畫舫幾時晴

采桑子

年年纔到花時候風雨經旬
不肯開晴悞却尋花陌上

人 今朝報道天晴也花已成塵寄語花神何似當年
莫做春

更漏子

畫樓深春畫永簾幙東風微冷鶯囀罷燕歸來佳人午
夢回 鬢釵橫眉黛淺一捻楚腰纖軟推綉戶倚雕闌
無言看牡丹

又

鬢慵梳眉懶畫獨自行來花下情脈脈淚垂垂此情知
爲誰 雨初晴簾半捲兩兩銜泥新燕人比燕不成雙
枉教人斷腸

一剪梅

漠漠春陰酒半酣。風透春衫。雨透春衫。人家蠶事欲眠。
三桑滿筐。籃柘滿筐。籃。先自離懷百不堪。橋燕呢喃。
梁燕呢喃。等燈強把錦書看。人在江南。心在江南。

壺中天

日長晴晝厭厭地。嬾向牕前。綵綉困倚屏風。無意緒。把
眉兒雙皺。似醉還醒。纔眠又起。頻撚花枝。嗅看他兒女。
閒尋百草來鬪。相思能幾。何時料歸期。不到有恁口。
候生怕鴛鴦香被冷。旋爇沉檀熏透。欲把單衣。鼎新裁。
剪。又怕伊春瘦。試看今夜孤燈。還有花否。

瑞鶴仙 和李梅南

賞殘陶徑菊正嫋嫋愁子風淒露肅何人抱幽獨更檐
馬鏘金廊魚響木此情誰屬向底處騁懷遊目小窗前
頻覽菱花一笑鬢絲猶綠 蕭索故國雲迷佳人日暮
輕輦倚竹短釵敲玉算幾夜恁孤宿問旅情如許怎生
排遣應費酒尊詩軸最無端誰隔西樓正調絃促

摸魚兒 和李玉田韻

喜西風朝來如約新涼一雨初霽家山望斷知何處渺
渺長天秋水空眼底歎雁杳魚沉尺紙無人寄芸窗草
砌漸影顫疎桐聲敲落葉孤枕怎成睡 逢塲戲遮莫

言絲和道卷十三
怨秋憔悴今朝有酒須醉尊前待喚佳人道爲雪藕絲
輕脆閒省記便笑口頻開一歲知能幾歸期尙未且蠟
展蘭橈湖山深處同賞月中桂

趙必瑑

字玉淵號秋曉太宗十世孫家東莞咸淳元
年與父崇誦同登進士任南康縣丞文信國
開府惠州辟攝軍事判官入元

隱溫塘村有覆瓶長短句二卷

宴清都

舟中思家用美成韻

見歷代詩餘

遠遶漁村數斜陽外賓鴻三兩飛度茅簷春小白雲隱
几青山當戶騷人底事飄蓬渾忘却耕徒釣侶何時尋
斗酒江鱸悠悠千古重賦 風流種柳淵明折腰五斗
身爲名苦有秋田二頃菊松三徑不如歸去山靈休勒

俗駕容我卧草堂深處問故園怨鶴啼猿今無恙否

梁棟

字隆吉其先湘州人生於鄂州後遷鎮江咸淳四年進士選寶應簿調錢唐仁和尉入師幕旋避地建上歸武林

晚依弟柱於茅山以終

孔行素至正直記遺編宋末士人梁隆吉有詩名一日登大茅峰題壁有黃冠訴於句容縣以爲訕謗朝廷行省聞之都省收梁於獄禮部免罪放還其詩云杖藜絕頂窮追尋青山世路爭嶮嶇碧雲遮斷天外眼春風吹老人間心大龍上天寶劍化小龍入海明珠沉無人更守元帝鼎有客欲問秦皇金巖崖誰念受辛苦古洞未易潛幽深神光不破幽暗惱山鬼空作離騷吟我來俯仰一慷慨山川良昔人民今安得長松撐日月華陽世界收層陰長嘯一聲下山去草木爲我留清音按無名氏宋遺民錄自王鼎翁至林景曦凡十一人隆吉預焉其詩詞附見集中隆吉有贈嘉興徐同年詩云憶昔青龍在戊辰馬蹄

同踏杏園春歸田令尹生書晉執戟郎君盡
美新萬事不醒中酒聖一貧無奈訟錢神相
逢莫效窮途泣自古求仁要得仁蓋作於易
代之後其志節固皜然不滓也

念奴嬌

春夢

見宋遺民錄

一場春夢待從頭說與傍人聽著
畫溪山紅錦障舞燕歌鶯臺閣碧海傾春
黃金買夜猶道看承薄雕香剪玉今生今世
盟約須信歡樂過情閑嗔冷妬一陣東風
惡韻白嬌紅消瘦盡江北江南零落骨朽心
存恩深緣淺忍把羅衣着蓬萊何處雲濤天
際冥漠

摸魚兒

登鳳凰臺

枕寒流碧縈衣帶高臺平與雲倚燕來鶯去誰爲主磨

滅謫仙吟句愁思裏待說與山靈還又羞拈起簫韶已
矣甚竹實風摧桐陰雨瘦景物變新麗 江山在認得
劉郎阿寄年來聲譽休廢英雄不博胭脂井誰念故人
衰悴時有幾便鳳去臺空莫厭頻游此興亡過耳任北
雪迷空東風換綠都付夢和醉

黎廷瑞

字祥仲鄱陽人咸淳七年進士官肇慶府司
法參軍入元隱居不仕有芳洲集三卷詞附
按史簡編鄱陽五家集十五卷有廷瑞芳洲
集及元人吳存樂庵遺稿其間附見詩餘今
並採錄

蝶戀花

元日

密炬瑤霞光鷓酒翠栢紅椒細剪青絲韭且勸金尊干

萬壽年時芳夢休回首
小雨輕風寒滿袖下却簾兒
莫遣梅花瘦萬點鵝黃春色透玉簫吹上江南柳

八聲甘州 金陵

恨巨靈多事鑿長江銷沉幾英雄恨烏江亭長天機輕
洩說與重瞳更恨南陽耕叟獵殺紫髯翁一彈金陵土
戰虎爭龍杯酒鳳凰臺上對石城流水鍾阜諸峰問
六朝陵闕何處是遺蹤後庭花更無留響渺春潮殘照
笛聲中悲歡夢蕪城楊柳幾度春風

南鄉子 烏衣園

醉罷黑瑤池渺渺春雲海嶠歸畫棟珠簾來昨夢誰知

百姓人家幾度非
相對語斜暉腸斷江城柳絮飛再
見玉郎應不認堪悲也被緇塵染素衣

清平樂

舒州

秋懷驂肩卧聽蕭蕭葉四壁寒蛩吟不歇舊恨新愁都
說疎疎雨打棲鴉月痕猶在窗紗一夜西風偏緊明
朝瘦也黃花

浪淘沙

別易見時難萬水千山參商煙樹暮雲間料想鳳凰城
裏夢夜夜歸鞍楊柳小樓間倚遍闌干東風剪剪雨
珊珊落盡桃花無可落只管春寒

浣溪沙

一曲離愁淺黛顰
雲帆渺渺下煙津
山長水遠客愁新
柳絮低迷千里夢
桃花蕩漾一江春
小樓疎雨可憐人

祝英臺近

綠雲空香雨霽
一夢千年事
碧幌如煙却扇試新睡
恁時楊柳闌干
芙蓉池館還只似
如今天氣
遠山翠空
相思淡掃修眉
盈盈照秋水
落日西風借問雁來未
只愁雁到來時
又無消息
只落得一番憔悴

少年游

乙未中秋後二日同范見心李思宣飲百花洲上待月魯公亭呼月礪禪師不應放

棹東湖夜色皎然見心用龍洲少年游韻賦
詞因次韻

同棹百花洲迢迢碧玉流聽笛聲何處高樓如此江山
如此客雖有酒奈何秋呼月出雲頭問渠能飲否笑
人間原自無愁可惜月翁呼不出呼得出載同遊

朝中措

送春

游絲千萬暖風柔只繫得春愁恨煞啼鶯勾引孤他燕
語攀留縱然留住香紅吹盡春也堪羞去去不堪回
首斜陽一點西樓

眼兒媚

寓城思歸竹庵留行賦呈

暖雲挾雨洗香埃剗地峭寒催燕兒知否鶯兒知否
厮

言系和通卷十三
勾春回 小樓日日重簾捲應是把人猜杏花如許桃花如許不見歸來

訴衷情 濡溪悼舊

曲屏深院赴幽期心事夢雲知珮環零亂何處江上草離離 日平西天似幕月如眉依稀還記兩岸楊花送上船時

水龍吟 九日登城

荒城落日西風滿街芳草無行路樓臺羽化螢飛故苑蛩吟殘礎不減承平半湖秋月隔溪煙樹慨江南風景一朝如許教人恨王夷甫 對酒強推愁去酒醒來愁

還如故青萍三尺陰符一卷土花塵蠹試問黃花花知
余否沉吟無語拍闌干空羨平沙落雁滄波歸鷺

清平樂

雨中春懷呈準軒

清明寒食過了空相憶千里音書無處覓渺渺亂蕪搖
碧蒼天雨細風斜小樓燕子誰家只道春寒都盡一
分猶在桐花

秦樓月

落梅

幽香歇玉龍吹徹花如雪花如雪小橋流水不勝愁絕
橫梢翦入生綃墨翠陰青子盈盈結盈盈結淡煙微

雨江南三月

陳

紀

咸淳進士

賀新郎

聽琵琶

見歷代詩餘

趁拍哀絃促聽泠泠絃間細語手間推覆鶯語間關花
底滑急雨斜穿梧竹又澗底松風簌簌鐵撥鷗絃春夜
永對金釵鍾乳人如玉敲象板剪銀燭六幺聲斷涼
州續悵梅花歲晚天寒佳人空谷有限絃聲無限意淪
落天涯幽獨頓喚起閒愁千斛賀老定場無處問到如
今只鼓昭君曲呼羯鼓瀉醪醖

徐

瑞

字山玉號松巢鄱陽人咸淳間應舉不第後
推爲本邑書院山長有松巢集三卷詞附

點絳脣

多事春風年年綠遍江南草羅裙色好莫把相如惱

夢入瑤臺搔背麻姑爪還驚覺杜鵑啼早一夜相思老

黃

鑄

字亦顏一作睇顏號乙
山邵武人官柳州守

黃敏求橫舟小葉汎黃乙山於壽寧亭云客
中聽雨况僧寮盡日無人訪寂寥一枕秋聲
供痛快隔窗風裏有芭蕉草草茆亭古木間
萬琅玕裏一禪關秋陰祇俟風收盡分我淨
生半日間

秋蘂香令

見陽春白雪

花外數聲風定烟際一痕月淨水晶屏小敲醉枕院靜
鳴蛩相應香消斜掩青銅鏡背燈影寒砧夜半和鴈
陣秋在劉郎綠鬢

小重山

涼入秋欄雨意長
竹深啼絡緯響虛堂
一枝燈影耿昏黃
疎簾外風度木樨香
心事易成傷
燕支坡下路語如簧
定仙螺子玉釵梁
鴛屏夢應到舊章郎

蕭元之

字體仁號鶴臯臨江人有鶴臯小藁

按江湖後集載鶴臯送郡丞張宗丞云傾家市鞍馬損命犯風塵幕府差功級京華困旅貧又塞馬歌答楊侍郎云我有百發落鴈鉞前年引滿射赤眉功成萬死不見賞歸騎驢子吟楚詞蓋曾宣力戎行論功幕府爲人所抑而不竟其用又行子云行子家何處征帆楚岸開聞德音入蜀云才退慙司馬無因寫檄文則嘗由楚入蜀還西里所居云長恐山林計未成可能俯仰羨公卿鶴閒不受雲拘束梅冷惟堪雪主盟北闕無書休悔出東臯

有梳可歸。畊鏡容漸改。驚非昔。獨喜傍人喚。
後生則歸里時年尚未老。其蹤跡可以考見也。

渡江雲

和清真

見陽春白雪

流蘇垂翠幃。高低一色紅紫。等泥沙。香山居士老柳枝。
桃葉飛梗。屬誰家。好音過耳。任啼鳥。怨入芳華。心情嬾
筆牀吟卷。醉墨戲翻鴉。堪嗟。雕弓快馬。勒勒追蹤向
夕陽坡下。休更憶青絲絡轡。紅袖教紗司空見慣。渾如
夢笑。幾回索葦吹葭。山中樂從渠恣賞。鶯花

菩薩蠻

斷紅流水香難覓。行雲一去無蹤跡。楊柳漫遮閑。閑愁

付遠山 玉箏彈未了倚柱人空老青子摘來酸酸心
有幾般

水龍吟 答沈莊可

人生何必求名身閑便是名高處卧雲衣袂何因自染
修塗塵土世路羊腸人情狙賦翻雲覆雨把從前舊夢
倚闌重省休更錯添賤注 况是吾廬江上也抵得封
侯千戶高眠閒聽隣舟漁唱倚闌農語休望當年溪邊
俱載隆中三顧怕羣鷗微覺見人欲起背人飛去

鄭斗煥

字丙文
號松窗

洞霄詩集鄭斗煥陪秋山相公遊大滌洞天
一庵夜宿感夢云天桂清游尾使星筍輿輒

軋人山深龍行雨去泉花定鷓鴣叫雲來木葉
陰松石已安通夕寐江湖空老百年心圓冠
方袂何仙子夢裏將詩索共吟

新荷葉

見絕妙好詞

乳鴨池塘晴波漾綠鱗鱗宿藕根香夏來生意還新
錢小細花貼翠相間萍星一番雨過一番暗展圓青
魚戲龜游看來猶未勝情因憶年時垂釣曾約輕盈玉
人何處關情是半捲芳心簾風一棹鴛鴦催起歌聲

葉士則

號漁村

按錢綱珊瑚載士則跋趙彞齋梅竹詩紀年
爲咸淳丁卯跋中稱自江右歸少室當是中
州人

蘭陵王

和清真

見陽春白雪

大堤直。嫋嫋游雲蘸碧蘭舟上。曾記那回。拂粉塗黃弄
香色。施顰託傾國。金縷尊前勸客。陽臺路。烟樹萬重空
有相思寄魚尺。飄零歎萍蹤。自嬾整羅衾。羞對瑤席
折釵分鏡。盟難食。看桃葉迎笑。柳枝垂結。萋萋芳草暗
水驛。腸斷畫閣北。寒側。淚痕積。想杜鰲塵侵籠羽聲
寂。天涯流水情何極。悲沈約。寬帶馬融。怨笛。那堪燈幌
聽夜雨。鎮暗滴。

李好古

自署鄉貢免解進士有碎錦詞一卷

宋史劉清之傳高安李好古以族人財爲訟見清之豫章清之爲說訟家人二卦好古惕

然遵舍所訟市程氏易以歸卒爲善士

八聲甘州

壯東南飛觀切雲高峻堞縹波長疊蔽空樓櫓重關警
柝跨水飛梁百萬貔貅夜築隱形勝金湯坐落諸蕃膽
扁榜安江遊子憑闌淒斷百年故國飛鳥斜陽恨當
時肉食一擲賭封疆骨冷英雄何在望荒烟殘戍觸悲
涼無言處西樓畫角風轉牙樯

江城子

從來難剪是離愁這些愁幾時休纔趁風檣千里到揚
州見說蒼茫雲海外天杳杳水悠悠男兒三十做貂

裘強追遊夢魂羞可解籌邊談笑覓封侯休傍寒垣釀
酒去傷望眼怕登樓

水調歌頭

和金焦

歷歷江南樹半在水雲間不須回首且來着眼向淮山
過盡金山翠碧望斷焦山空翠楊柳繞江邊此意無人
會獨自久凭闌夜吹簫朝問法記坡仙祇今何許當
時三峽倒詞源水調翻成新唱高壓風流前輩使我百
憂寬有酒更如海容我醉時眠

酹江月

西風橫盪漸霜餘黃落空山喬木照水依然冰雪在歌

耿梅花幽獨抖擻征塵扶携短策步繞滄浪曲悵然心
事浮生翻覆陵谷 試向商樂亭前冷風臺上把酒招
黃鵠四十男兒當富貴誰念飄零南北百畝春耕三間
雲臥此計何時卜功名休問賣書歸買黃犢

又

平生英氣歎年華都付山林泉石不作雲霄軒冕夢祇
擬綸竿簑笠見說湖陰飛飛鷗鷺半是君曾識梅花時
節試來相與尋覓 休謾汨沒埃塵浮生能幾鏡裏催
華髮趁取尊前強健在莫負花朝傾碧自遣長鬚親題
短句去約蕭閒客休教惆悵落花飛盡寒食

清平樂

清淮北去千里揚州路過却瓜洲楊柳樹烟水重重無數
拖樓才轉前灣雲山萬點江南點點盡堪腸斷行人
休問長安

菩薩蠻

東園映葉梅如豆西園撲地花鋪繡春水曉來深日華
嬌漾金帶煙穿徑竹步入飛虹曲何處早鶯啼曲橋
西復西

方君遇

按韋居安梅磻詩話鄉人方君遇詩是有命
焉非倖致不知我者謂何求下語渾然天成

然非詩之正體居安家於吳興君遇蓋浙右人也

風流子

見陽春白雪

春被雨禁持傷心事髣髴去年時記芳徑暮歸褪妝微
醉暗幃先寢聞笑佯癡回首別離容易過楊柳又依依
紅燭怨歌髣髴花零落青綾牽夢屏影參差桃源今何
在劉郎去應念瘦損香肌誤約夜闌從前怪我多疑但
怕收殘淚對人徐語指彈新恨推戶潛窺還是慙慙病
也無計憐伊

曹良史

字之才號梅南錢唐人有梅南摘菜

方圓桐江集跋曹梅南詩詞三摘云曹君良史錢唐人衣冠佳盛湖傲山酣則有咸淳詩

摘兵火變遷江淮奔走則有梅南詩摘句如
雲生畫佛壁葉落病僧房閑來閉門處認得
讀書聲牆圉敗屋知無主風響荒林似有人
深樹月昏神火出斷烟雪霽獵人回展轉征
旗戰鼓十年間筆力益老矣至如鏤冰詞摘
則以詩之餘演爲雕刻流麗之作以至寶丹
之字料生薑白之文法寄於少游美成之聲
調

俞宗大梅南藁序曹君故宮詞十九首與拜
景靈宮游湖曲登北城悼今思古所謂哀而
不傷怨而不怒忠厚而徘徊者也

江城子

見絕妙好詞

夜香燒了夜寒生掩銀屏理銀箏一曲春風都似斷腸
聲杜宇欲啼楊柳外愁似海思如雲背燈暗卸乳鴉
裙酒初醒夢初醒蘭炷香篝誰爲煖羅衾二十四簾人

悄悄花影碎月痕深

吳大有

字勉道號松壑人寶祐間遊太學率諸生上書言賈似道奸狀不報退處林泉與林昉仇遠白珽等詩酒相娛元初辟爲國子檢閱不赴有松下偶抄雪後清音歸來幽莊等集按大有宋詩紀事絕妙好詞均作字有大今從四庫全書改正

點絳脣

送李琴泉

見絕妙好詞

江上旗亭送君還是逢君處酒闌呼渡雲壓沙鷗暮

漠漠蕭蕭香凍梨花雨添愁緒斷腸柔櫓相逐寒潮去

胡仲弓

字希聖號葦航清源人流寓杭州仲參之兄與仇山邨友善多湖山酬和之作

謁金門

蛾黛淺只爲晚寒妝嬾潤逼鏡鸞紅霧滿額花留半面

漸次梅花開遍花外行人已遠欲寄一枝嬌夢短濕雲和恨翦

李宏模

字希膺號敏軒

按永樂大典載胡仲弓葦航漫游藁有次韻東李希膺及寒食雨中用希膺韻詩當是淳祐間人

慶清朝

木芙蓉

見陽春白雪

碧玉雲深彤綃霧薄芳叢亂迷秋渚重城傍水中有吹簫儔侶應是瓊樓夜冷月明誰伴乘鸞女仙遊處翠帟障塵紅綺隨步別岸玉容竚倚愛淺抹蜂黃淡籠紈素嬌羞未語脉脉悲烟泣露綵扇何人妙筆丹青招得

花魂住歌聲暮夢入錦江香裏歸路

張

桂

字惟月號竹山循王從子
恭簡公四世孫有慚藁

菩薩蠻

見絕妙好詞

東風忽驟無人見玉塘烟浪浮花片步濕下香階苔黏
金鳳鞵翠鬟愁不整臨水閒窺影摘得野薔薇遊蜂
相趁歸

浣溪沙

雨壓楊花路半乾蜂遺花粉在闌干牡丹開盡正春寒
嬌品么絃金雁並瘦驚雙劍玉魚寬新愁不放翠眉

閒

劉天游

王琮雅林小蘂與劉天游伯仲夜話雪中戲
贈云水亭新得月坐對白蘋洲共說一夜話
惜無多日留手鈔詩許借口誦咒如流最美
同吟處對床風雨秋

氏州第一

見陽春白雪

冰縮寒流川凝凍霜前迴鷺渚冬晚燕閣紅爐馳峯翠
金曾憶花柔酒軟雲海滄洲甚又寄南來客燕酒雪朱
門四繞剡曲鏡華霜滿萬里銀霄凝望眼恁吟袖畫
欄空暖樹帶潮壚笳鳴古戍簇仲宣幽怨想愁思春近
也隨宮繡時寬一線昨夜扁舟夢湖山眉橫黛淺

楊韶父

字季和
號東窻

隱居通議五言絕句最難工蓋字逾少而意逾長乃爲有味近時如楊韶父古意曰江南望江北人去竟難招春水無期約年年到小橋有天然自在之趣

伊川三臺令

見陽春白雪

水村月淡雲低爲愛寒香晚吹瘦馬立多時是誰家茅舍竹籬
三三兩兩芳蕤未放瓊鋪雪堆只這一些兒
勝東風千枝萬枝

如夢令

涼月薄陰猶殢紅豆一枝秋思門外幾重山山外行人
千里歸未歸未又是菊花天氣

長相思

溪水清溪水渾溪上人家數畝園垂楊深閉門 青羅
裙白羅裙採盡青蘩到白蘋江南三月春

卓

田

字稼翁號西
山建陽人

按山房隨筆載卓稼翁題蘇小樓眼兒媚一
闋丈夫隻手把吳鈞云云其詞俚率置不復
錄

昭君怨

見詩餘廣選

千里功名岐路幾緬英雄草屨八座與三台箇中來
壯士寸心如鐵有淚不沾離別劍未斬樓蘭莫空還

好事近

奏賦謁金門行盡雲山無數尚有江天一半買扁舟歸

去波神眼底識英雄閣住半空雨喚起半帆風力去
青天尺五

鄭夢協

字南谷亦作鄭協

謝翱天地間集錄南谷鄭協詩二首溪橋晚
興云寂寞亭基野渡邊春深平岸草芊芊一
川晚照人閑立滿袖楊花聽杜鵑錢塘晚望
云錢塘江上夜潮過秋靜寒烟白露多吳越
青山明月裏舟人齊唱異鄉歌

八聲甘州

見陽春白雪

大江流日夜客心愁不禁晚來風把英雄口氣興衰餘
事吹散無蹤但有山圍故國依舊夕陽中直北神州路
幾點飛鴻欲問周郎赤壁歎沙沉斷戟烟鎖艤聽

波聲如語空亂荻花叢甚雲間平安信少到黃昏偏映
落霞紅蓴鱸美扁舟歸去相伴漁翁

王曼之

字野處

天地間集錄野處王曼之詩二首西窓云西
窓枕寒池池邊老松樹渴猿下偷泉見影忽
驚去春日郊行云出門逢柳色忽過野橋西
坐石看潮長隔花聞鳥啼地隨芳草盡樹與
夕陽齊不是桃源路行人亦自迷

踏莎行

見陽春白雪

柳外寒輕水邊亭小昨朝燕子歸來了天涯無數舊愁
根東風種得成芳草 亭畔秋千當時歡笑香肌不滿
和衣抱那堪別後更思量春來瘦得知多少

趙時奚

號雲洞郎國公德鈞入世孫見宋宗室世系表

多麗

西湖

見陽春白雪

歛吳雲翠奩推上紅晴渺澄流鱗光寒碎遠峯螺紺伍
竄香香引畫船影濕柳陰趁騎馬蹄輕橋限寬平堤橫
南北去來人入繡園行漸際晚梅妝游困十里曳歌聲
蒼州潤飛鴉妬春一夢催醒認名園當時宴幸纔痕
猶在危亭露花濃靜迎直砌霧蘚冷淡護飛夢幾對東
風留連麗景口年口老越山青夜深月照人依舊何處
最關情歡娛地星移世換客恨還盈

漢宮春

霜皎千林正石橋人靜春滿橫塘寒花自開自落曉色
昏黃明沙暗草對東風深鎖閑堂金漏短江南路遠夢
圓雲冷瀟湘重到舊時花下按玉笙歌徹月正西廊
亭亭愛伊素影粉薄新妝經年瘦損謾誰知心事淒涼
休更聽城頭畫角一聲聲斷人腸

戀繡衾

迢迢江路日又曛爲春遲長是怨春小立馬千林下寄
寒香歸贈故人相逢細說經年恨早匆匆吹散霽雲
算惆悵芳菲事粉蝶知應自斷魂

又

江南烟水幾萬重
記玉人花底舊容
欲待寄飛鴻
信望前山夕照冷紅
塞笳月下聲淒楚
怨百花春事夢空
倩誰共東君說
把陽和分付朔風

趙時行

字行可號石洞中王德文
八世孫見宋宗室世系表

望江南

見陽春白雪

霜月濕人睡
矮篷秋驚覺
夜深兒女夢
漁歌風起白蘋洲
別岸又潮頭

趙崇霄

字有得號蓮畧宋史宗室世系
表商王元份九世孫汝情子

東風第一枝

見絕妙好詞

妬雪梅甦迷烟柳醒游絲輕颺
新霽捲簾看燕初歸步

屨爲花早起春來猶淺便做出十分春意喜鳳釵纔卸
珠幘早換巧梳描翠著數點催花雨膩更一陣遞香
風細小鶯忺暖調聲嫩蝶試晴舞翅清歡易失怕輕負
年芳流水好趁閒共整吟鞦日日訪桃尋李

趙必昂

字次山號雲舍太宗十世孫
崇禎次子見宋宗室世系表

隱居通議次山年甫十七登進士第需次杜
門二十年不仕博極羣書爲詩文敏贍而有
風骨年近四十始爲江西運使矩齋曾公頴
茂辟置薦歷幕府以至班駁作邑登朝出守
撫州會長江失守時事已變制置使黃萬石
寓治于撫岡郡不咸竟爲黃所擠奪其郡符
以與參謀官任君弼翊龍次山遂歸里俄而
野撫以城迎降次山避地于顓未幾鄉寓公
吳允文浚奉密詔以江西招討使舉義反正
結約次山協謀興復戰不利允文奔漳州爲

都督文丞相天祥所殺次山解兵隱汀州之
畚中踰年以疾終時丁丑十一月二十八日
其諸子死于兵疫無存者僅存一女可哀也
其在贛也間道寄予一曲感慨國事其詞云
云味其語意悲憤深矣又云景定壬戌詹仲
實侍郎爲江西轉運使時度宗立爲皇太子
四月九日誕辰次山爲會公作賀箋曰純乾
值月祥開初九之潛索震承華德稟爾三之
極蓋四月應乾而初九潛龍又應儲副且協
其誕日也次山爲運使屬官往吉州督餉俾
與吉守廩左司弁有違言投劾歸里轉運使
洪侍郎燾愛其才力招之後以京狀薦之朝
次山謝啟曰蕭何之追韓信豈云得士之無
雙秦穆之用孟明姑示與人之能壹皆精切
如此

摸魚子

倚西風招鴻送燕年華今已如客青奴一餉貪涼夢昨

夜酒紅無力愁似織聽鳴葉寒蟬話到情無極舞衣春
入歎帶眼偷移琴心不斷衿袖舊時窄紅塵陌誰寄
佳人消息任他珠網瑤瑟金釵雨髻霓裳曲總是浪歌
閒拍長夜笛且慢折輕勻留醉酒壚側烟青霧白望殘
照關河晴雲樓閣何處是秋色

詞綜補遺卷十三

詞綜補遺卷十四

長洲陶樸輯

宋詞八十六首

汪元量

九首

牟巖

二首

陳深

一首

李震

一首

董嗣杲

一首

陳從古

一首

楊澤民

一首

沈唐

一首

程欽之

二首

李元卓

一首

梁寅

一首

李敦詩

一首

張方仲

一首

孫浩然

一首

言
劉清夫 一首

張元祥 一首

樓槃 一首

史介翁 一首

權無染 一首

張龍榮 一首

劉鈞國 一首

陳草閣 一首

王億之 一首

王茂孫 一首

余桂英 一首

尙希尹 一首

朱昇孫 一首

姚卞 一首

沈剛孫 一首

陳先 一首

李銓 一首

史可堂 一首

鄭子玉 一首

黃廷璣 六首

史深 二首

程武 三首

鄭熏初 四首

石正倫 四首

張艾 三首

曾棟 二首

杜龍沙 四首

王大簡 二首

陳坦之 四首

魏庭玉 二首

施翠巖 二首

續雪谷 二首

汪元量

字大有號水雲錢塘人度宗時以善琴供奉掖庭宋亡隨三宮入燕後爲黃冠南歸往來

匡廬彭蠡間世莫測其所之有湖山類稿五卷附詞

李鶴田湖山類稿跋往時讀泣血錄爲之淚下因歎德祐之事必有文章鉅公書於野史後人見而悲之未必不若余今日之讀泣血錄也一日吳友汪水雲出示類藁紀其亡國

之戚去國之苦悶關愁歎之狀備見於詩微而顯隱而彰哀而不怨歔歔而悲甚於痛哭豈泣血錄所可並也
改蟲齋筆疏水雲藏有賜硯背刻天錫永寶四字分書右刻水雲二篆字左刻楷書絕句云斧柯片石作商閭堪與遺民共號頑試憶當年承賜事墨痕如淚盡成斑
按陳泰所安遺集有送錢唐琴士汪水雲詩泰爲延祐乙卯進士其時距宋亡已三十餘年在遺民中亦可稱耆壽矣

滿江紅 吳江秋夜

一箇蘭舟雙桂槳順流東去但滿目銀光萬頃淒其風
露漁火已歸鴻雁汊櫓歌更在鴛鴦浦漸夜深蘆葉冷
颼颼臨平路 吹鐵笛鳴金鼓絲玉鱸傾香醕且浩歌
痛飲藕花深處秋水長天迷遠望曉風殘月空凝竚問

人間今夕是何年清如許

琴調相思引

越上賞花

曉拂菱花巧畫眉
猩羅新剪作春衣
恐春歸去無處看
花枝已恨東風成去客
更教飛燕舞些時
惜花人醉
頭上插花歸

長相思

越上寄雪江

吳山深越山深
空谷佳人金玉音
有誰知此心
夜沉沉
滿沉沉
閒却梅花一曲琴
月高松竹林

好事近

浙江樓聞笛

獨倚浙江樓
滿目怨笳哀笛
猶有梨園聲在
念那人天

北 海棠顚顚怯春寒風雨怎禁得回首華清池畔渺
露蕪烟荻

鶯啼序 重過金陵

金陵故都最好有朱樓迢遞嗟倦客又此憑高檻外已
少佳致更落盡梨花飛盡楊花春也成憔悴問青山三
國英雄六朝奇偉 麥甸葵邱荒臺敗隄鹿豕銜枯薺
正潮打孤城寂寞斜陽影裏聽樓頭哀笳怨角未把酒
愁心先醉漸夜深月滿秦淮烟籠寒水 悽悽慘慘冷
冷清清燈火渡頭市慨商女不知興廢隔江猶唱庭花
餘音亶亶傷心千古淚痕如洗烏衣巷口青蕪路認依

稀王謝舊隣里臨春結綺可憐紅粉成灰蕭索白楊風
起因思疇昔鐵索千尋設沉江底揮羽扇障西塵便
好角巾私第清談到底成何事回首新亭風景今如此
楚囚對泣何時已歎人間今古真兒戲東風歲歲還來
吹入鍾山幾重蒼翠

六州歌頭

江都

綠蕪城上懷古恨依依淮山碎江波逝昔人非今人悲
惆悵隋天子錦帆裏環珠履叢香綺展旌旗盪漣漪擊
鼓搥金擁瓊瑤玉吹恣意游嬉斜日暉暉亂鶯啼銷
魂此際君臣醉貔貅獎事如飛山河墜烟塵起風淒淒

雨霏霏草木皆垂淚家國棄竟忘歸笙歌地歡娛地盡
荒畦惟有當時皓月依然挂楊柳青枝聽堤邊漁叟一
笛醉中吹興廢誰知

水龍吟

淮河舟中夜聞宮人琴聲

鼓輦驚破霓裳海棠亭北多風雨歌闌酒罷玉帝金泣
此行良苦駝背模糊馬頭匝匝朝朝暮暮自都門燕別
龍艘錦纜空載得春歸去目斷東南半壁悵長淮已
非吾土受降城下草如霜白淒涼酸楚粉陣紅圍夜深
人靜誰寘誰主對漁燈一點羈愁一搦譜琴中語

望江南

幽州九日

官舍悄坐到月西斜永夜角聲悲自語客心愁破正思
家南北各天涯 腸斷裂搔首一長嗟綺席象牀寒玉
枕美人何處醉黃花和淚撚琵琶

唐多令

吳江中秋

莎草被長洲吳江拍岸流憶故家西北高樓十載客窗
憔悴損搔短鬢獨悲秋 人在塞邊頭斷鴻書寄不記
當年一片閒愁舞罷羽衣塵滿面誰伴我廣寒遊

牟

蠓

字獻之其先蜀人徙居吳興端明學士子才
子擢進士第官大理少卿入元不仕有牟氏

陵陽集

木蘭花慢

錢公孫作

山城如斗大君肯爲兩年留問讀易堂前翛然松菊留
得君不天邊乍傳消息趁東風歸侍翠雲裘留取去思
無限江離香滿汀洲不妨無蟹有監州臭味喜相投
怪底事朝來驪歌催唱喚起離愁羨君戲綵脫却一身
輕無事也無憂昨夜夢隨杖履道林岳麓同游

漁家傲

病枕逢逢驚曉鼓那堪送客江頭路莫唱驪駒催客去
風又雨花飛一片愁千縷折柳淒然無剩語加餐更
把箒衣護泥滑籃輿須穩度雲飛處新闌安問應旁午

陳

深字子微平江人嘗題所居曰清全齋因以爲號宋亡隱居著讀易詩春秋諸獨天恩間奎

章閣臣以能書

薦潛匿不出

四庫全書總目考鄭元祐儒異集有深次子
植墓誌稱植以至正二十二年卒年七十則
植生於至元三十年癸巳又自稱長於植一
年少於深三十餘年則深之生當在開慶景
定間宋亡時僅及弱冠故至天厯間尙存也

虞美人 題玉環玩書圖

玉搔斜壓烏雲墮敲枕看書卧開元天子惜娉婷一笑
嫣然何事便傾城 馬嵬風雨歸時路香骨銷黃土多
情誰寫畫圖中江水江花千古恨無窮

李震

廬陵人

按宋史藝文志李震有彭門古今集志二十
卷歷代詩餘詞人姓氏編入宋末

錢綱珊載張翥跋云昔在童子時得以筆
視侍諸先生倪仰五十年彦方出示夜山圖
卷中作者肯肯所嚴事風流盡矣典刑故在
慨然久之不敏小子輒題以誌歲月所未識
者李震也

金縷曲

題高彥敬尚書吳興夜山圖

樓據吳山背倚高寒塵飛不到越山相對老月騰輝羣
動息獨坐清分沆瀣更滿聽潮聲涉海醉裏詩成神鬼
泣景蒼涼又在新詩外渾忘却功名債憑誰妙筆能
圖繪談中郎前身摩詰宛然心會拈出清宵無限意半
幅溪藤光怪方信有人間仙界雲淡天低奇絕處笑僧
殊未識丹青在留此軸誇千載

董嗣杲

字明德號靜傳杭人著有廬山集五卷英溪集一卷西湖百詠二卷

按嗣杲集中元宵懷鄉詩有清和坊裏燈宵月負却東風已兩年咸淳臨安志清和坊在臨安府左則嗣杲爲杭人無疑以詩中自誌歲月考之廬山集乃其於宋理宗景定二三年間權茶九江富池時所作英溪集爲武康令時所作中有甲戌大水詩與宋史五行志咸淳十年八月安吉武康大水相合西湖志載有道士董嗣杲蓋卽其人宋亡後隱于黃冠矣

湘月

見絕妙好詞

蓮幽竹邃舊池亭幾處多愛君子醉玉吹香還認取忙裏得閑標致心逐雲帆情隨烟蘆高會知誰繼宵筵會啟蕭然身外浮世因見杜牧踈狂前緣夢裏說蹙雙

眉翠香滿屏山春滿几爐擁麝焦禽睡月落梅空霜濃
窗掩兩耳風聲起艷歌終散輪他鶴帳清寐

陳從古

字晞顏金壇人舉進士歷知衡
饒信三州入直秘閣有淡湖集

蝶戀花

芍藥

日倩輕黃珠綵露困倚東風無限嬌春處看盡嫣紅渾
漫與淡妝偏稱泥金縷不共鉛黃爭勝負殿後開時
故欲尋春去去似朝霞無定所那堪更著催花雨

楊澤民

樂安人有續和清真詞一卷合
周邦彥方千里詞爲三英集

滿庭芳

春過園林雨餘池沼嫩荷點點輕圓畫長人靜芳樹欲

生州一徑幽通邃竹松風漱石齒濺濺平生志功名未
就先覓五湖船不如歸去好良田二頃茅舍三椽任
高歌月下痛飲花前果解忘情寄意又何在琴撫無絃
烟波客扁舟過我相伴白鷗眠

沈

唐

官大名府簽判
後改辟判渭州

李易安云沈唐元絳晁次膺輩雖時時有妙
語破碎何足名家

霜葉飛

以下見樂府雅詞拾遺

霜林凋晚危樓迴登臨無限秋思望中間想洞庭波面
亂紅初墜更蕭索風吹渭水長安飛舞千門裏變景催
芳榭唯賸有蘭衰暮叢菊殘餘蕊同念花滿華堂美

人一去，鎮掩香閨經歲。又觀珠露碎，點蒼苔、敗梧飄砌。
設贏得相思淚，眼東君、早作歸來計。便莫惜丹青手，重
與芳菲，萬紅千翠。
案此詞前後段四五六句皆作四字句與各家句讀不同
程欽之

西江月

堦下寶鞍羅帕，門前絳蠟紗籠。留連佳客悵忽忽，賴有
新團小鳳。
瓊碎黃金碾裏，乳浮紫玉甌中。歸來襲襲
袖生風，齒頰餘甘入夢。

又

燈火樓臺欲下笙歌院落，將歸冰蘂金縷勝瑤瑤。春筍

捧來纖細 飲罷高陽人散曲終巫峽雲飛千方修合
門新奇須帶別離滋味

李元卓

菩薩蠻

一枝絳蠟香梅軟宜春小勝玲瓏剪拂曉上瑤釵春從
鬢底來 菱花頻自照粉面驚春早淡拂遠山眉爲誰
今日宜

梁寅

按元梁寅新喻人著有周易參義等書曾愷
樂府雅詞編於紹興當另是一人

侍香金童

寶臺蒙綉瑞獸高三尺玉殿無風烟自直迤邐傳杯

原本

作傍

盈綺席苒苒菲菲斷處凝碧是龍涎鳳髓惱人

情意極想韓壽風流應暗識去似綵雲無處覓惟有多
情袖中留得

李敦詩

卜筮子

南北利名人常恨家居少每到春時聽子規無不傷懷
抱好去向長安細與公卿道待得功名遂時不似
歸來早

張方仲

帶人嬌

多少胭脂勻成點就干枝亂攢紅堆繡花無長好更光
陰去驟對景憶良朋故應招手 曾記年時花間把酒
任淋浪春衫濕透文園今病問遠一作速能來否却道有
酴醾牡丹時候

孫浩然

夜行船

以下見歷代詩餘

何處采菱歸暮隔宵烟菱歌輕舉白蘋風浸月華寒影
朦朧半和梅雨 脉脉相逢心似許扶蘭棹黯然凝竚
遙指前村隱隱烟樹含情背人歸去

劉清夫

字靜甫
居麻沙

沁園春 白蓮

淺碧芙蓉素艷亭亭前身阿嬌記湘濱露冷酥容倍潔
華清水滑酒量全消瑤萼豐肌雲翻碎萼白羽鮮明時
自搖風流處是古香幽韻時度鮮飈瓊姿璧月清標
對千朶嬋娟傾翠瓢况水晶臺榭低迷淨綠冰霜詞調
隱約輕橈細認金房種奇孕秀已覺青襟橫素腰西風
晚看花開十丈玉井非遙

張元祥

西樓月

瑤軒綺檻春風度柳垂烟花帶露半閑鴛被怯餘寒燕
子時來窺繡戶

樓 槃

霜天曉角

梅

月澹風輕黃昏未是清吟到十分清處也不啻二三更
曉鐘天未相曉霜人未行只有城頭殘角說得盡我
平生

史介翁

字吉甫
號梅屋

菩薩蠻

柳絲輕颺黃金縷織成一片紗窗雨鬪合做春愁困慵

薰玉篝

暮寒羅袖薄社雨催花落先自爲詩忙薔薇

一陣香

權無染

孤館深沉梅

頂英雪艷嶺梅芳天付與清香向臘後春前解壓萬花

先占青陽

擬待折一枝相贈奈水遠天長對妝面忍

聽羌笛又還空斷人腸

按此調詞律失載

張龍榮

字成子號梅深

按歷代詞人姓氏張榘字方叔潤州人著芸窗詞又張矩字子成著梅淵詞張成子卽與草窗同賦西湖十景耆陽春白雪原選以爲張榘詞綜僅選二首又誤以榘爲矩成子爲

子成梅深爲梅淵或係輾轉傳抄之訛趙聞
禮以宋人選宋詞必有依據而絕妙好詞爲
草窗手定同時唱和之友何至誤舉其名如
謂龍榮別是一人又何以字與號均同張槎
姑書之以俟再考

摸魚兒

又吳塵暗斑吟袖西湖深處能浣晴雲片片平波影飛
趁棹歌聲遠回首喚彷彿記春風共載斜陽岸輕攜分
短恨柳密藏橋烟濃斷徑隔水語音換思量遍前度
高陽酒伴離蹤悲事何限雙峯塔露書空領情共暮鴉
盤轉歸思懶悄不似留眠水國蓮花畔燈簾暈滿正蠹
帙重繙沈煤半冷風雨閉宵館

劉鈞國

小梅花

千里月千山雪梅花正落寒時節一枝昂一枝藏清香
冷豔天賦與孤光孤光似被珠簾隔風度烟遮好顏色
粉重垂玉纍纍先春庭秀不管百花枝似霜結與霜
別莫使幽人容易折短牆邊矮窗前橫斜峭影重疊門
嬋娟黃昏莫聽樓頭角只恐聽時亂零落醉來看醒來
看縈絆麗人瀟酒倚闌干

陳草閣

沁園春

霜剝枯崖何處郵亭玉龍夜呼喚經年幽夢悠然獨覺
參橫斜漢漏徹銅壺漠漠風烟昏昏水月醉聳詩肩騎
瘦驢孤吟處宜尋香弔影搔首踟躕古心落落如余
情獨立高寒凌萬夫對荒烟野草淺溪沙路班荆三喚
此意誰如高卧南陽歸來彭澤借問風光還似無難窮
處待憑將妙手作歲寒圖

王億之

字景陽
號松閒

高陽臺

雙槩敲冰低蓬護冷扁舟曉渡西冷回首吳山微茫遙
帶重城隄邊幾樹垂楊柳早嫩黃搖動春情問孤鴻何

處飛來共與飄零 輕帆初落沙洲暝漸潮痕雨漬面
色風皺旅思羈愁偏能老大行人姁娥不管征途苦甚
夜深儘照孤衾想玉樓猶凭闌干爲我銷凝

王茂孫

字景周
號梅山

高陽臺

遲日烘晴輕烟縷畫鎖窗雕戶慵開人獨春閒金猊暖
透蘭煤山屏煖倚珊瑚畔任翠陰移過瑤階悄無聲綵
翅翩翩何處飛來 片時千里江南路被東風悞引還
近陽臺膩雨嬌雲多情恰喜徘徊無端枝上啼鳩喚便
等閒孤枕驚回惡情懷一院楊花一徑蒼苔

點絳脣 蓮房

折斷烟痕翠蓬初離鴛鴦浦玉纖相妒翻被專房悞
乍脫青衣猶著輕羅護多情處芳心一縷都爲相思苦

余桂英 字子發
號野雲

小桃紅

芳草連天暮斜日明汀渚懊恨東風恍如春夢忽忽又
去早知人酒病更詩愁鎮輕隨飛絮 寶鏡空留恨箏
雁渾無據門外當時薄情流水如今何處正相思望斷
碧山雲又鶯啼晚雨

尙希尹 字莘老
號畏齋

祝英臺近

曉簾櫳晴院宇金烏冷沉水翠被欺寒嬌困未收起厭
厭雨點眉峰一痕酒暈正人在溫柔鄉裏甚情味羞
對釵燕等鴻胭脂暗彈淚欲寫吳箋無處問雙鯉倩他
輕薄楊花與愁結伴直吹到那人根底

浪淘沙

結客去登樓誰繫蘭舟半篙清漲雨初收把酒留春春
不住柳暗江頭老去怕閒愁莫莫休休晚來風惡下
簾鉤試問落花隨水去還解西流

朱昇孫

字令則號萬山
一本作鼎誤

真珠簾

春雲做令春知未
春愁在碎雨敲花聲裏
海燕已尋蹤
到畫溪沙際院落秋干
楊柳外待天氣十分晴
霽春市又青帘巷陌紅芳鼓吹
須信處處東風又何妨對此
籠香覓醉曲盡索餘情
奈夜航催離夢滿冰衾身似寄
幾幾度吳鄉烟水無寐試明朝說與西園桃李

姚卞

念奴嬌

諸葛武侯廟

小舟橫櫂看雲峰
高擁千重蒼碧
白帝城中冠蓋換
田野猶談元德
三顧頻煩兩朝開濟
何處尋遺迹
江堆石

陣至今神擁沙磧 追憶諸葛當年幅巾高卧抱圖王
奇策見說廟堂今尙在中 有參天松柏據蜀英豪吞吳
遺恨俯仰成今昔空令豪俊浩歌揮涕橫臆

沈剛孫

百字令 釣臺

我來訪古把塵襟都付一聲鳴櫓笑把瑤觴波浩蕩却
憶長鯨吞吐坐挹高風骨清毛冷不作人間語客星何
在謾留遺像江渚 試問澤畔羊裘當時何事笑禹奔
宮武金印貂蟬誰不愛只爲汗顏巢許幸有高臺較他
箕顓未肯輕輸與酒酣長嘯翩然誰共飛舉

陳先

好事近 石亭探梅

尋徧石亭春點點暮山明滅竹外小溪深碧倚一枝寒
月淡雲疎雨苦無情得折便須折醉帽風鬟歸去有
餘香愁絕

李銓

點絳脣 牡丹

十二紅闌帝城穀雨初晴後粉拖香逗易惹春衫袖
把酒題詩遐想歡如舊花知否故人消瘦長憶同攜手

史可堂

言紀和遠卷十四
驚山溪

危牖看月番做聽秋雨一滴一聲愁似相伴離人悲苦
籠香袖令獨立倚西風紅葉落菊花殘都是關情處
如何排遣賴有高陽侶長嘯酒壚邊且同賦秋娘詞句
山翁醉矣一笛小樓空思往事看孤雲目斷征鴻去

鄭子玉

八聲甘州慢

草

漸鶯聲近也採年芳河畔扼輕輪旋東風染綠綿綿平
野無際烟春最苦夕陽天外愁損倚欄人無奈瀟湘杳
留滯王孫冷落池塘殘夢是送君歸後南浦消魂賴

東君能容醉卧展香茵儘教更行以遠也相伴連水復
連雲關山道算無今古客恨長新

黃廷璿 雙溪

解連環

以下見陽春白雪

乍寒簾幕愁燈花正結又還輕落弄瘦影瓶裏梅梢爲
誰綴隴頭向來新萼萬古千今算惟有別情難託把潘
郎鬢綠盡付雁聲幾度寥寞 扁舟暮江舊泊記攜觴
就折烟翠猶弱漫過却歌夕吟朝問天遣何時素纖重
握想得文姬近更苦雲衣香薄待更闌試尋夢境夢回
更惡

憶舊游

乍梅黃雨過。徧倚層樓時舞。垂楊暗綠。知誰換似。烟濃
霧薄。望眼偏妨。昔人畫鵲無數。相引入橫塘。縱細切香
蒲。重開絳蕊。懶向清觴。 淒涼舊遊地。謾賦減蘭。成才
退周郎。總把芳辰誤。念紗窗深靜。冰簟流光。鳳箋試寫
新句。青羽碧天長。又隱隱城頭。隨風斷角。斜照黃

宴清都

墜葉窺檐語。風簾薄遞來。幽恨無數。牙籤倦展。銀缸細
剔。悄然歸旅。聲傳漏閣偏長。更奈向、瀟瀟亂雨。想近日
舞袖翻雲。吟箋度雪。誰顧 當時翠縷。吹花東城繡陌。

雙燕何許香羅唾碧暗紗印粉甚緣重覩藍橋鎮芳夢
念騎省悲秋漫賦待倚闌或遇賓鴻殷勤寄與

蘭陵王

絮花弱吹滿斜陽院落秋千外無數小舟綠水溶溶帶
城郭流光漫暗覺辜却鶯呼燕諾懽遊地都在夢中雙
蝶翩翩度簾幕憑誰問康樂又粉過新梢紅褪殘萼
闌干休倚東風惡憐瑟韻空在鑑容偷改青青洲渚徧
杜若故交半寥寞漂泊鎮如昨念玉指頻彈珠淚還
閑孤燈隱隱巫雲薄奈別遽無語恨深誰託明朝何處
夜漸短聽畫角

瑣窗寒

駐馬林塘還尋舊迹雨收秋晚殘蕉映牖強把碧心偷
展記相逢畫堂宴開亂花影入簾初捲正小池漲綠絲
綸曾試事隨鴻遠淒斷情何限料素扇塵深怨蛾碧
淺清宮麗羽漫有苔牋題滿問低牆雙柳尙存幾時艷
燭親共翦但凝眸數點遙峯春色青如染

齊天樂

十年漢上東風夢依然淡烟鶯曉繫馬橋空維舟岸易
誰識當時蘇小簪花鬥草任波浴斜陽絮迷芳島笑底
歌邊黛蛾嬌聚怕歸早京塵衣袂易染舊遊隨霧散

新恨難表燕子朱扉梨英翠箔留得春光多少暗絲漫
繞料帶角香銷扇陰詩杳倚倦秋千片雲天共渺

史

深字葉泉

木蘭花慢

畫樓簾半捲倩誰覓鳳簫音記待月梅邊籠香酒後私
語屏陰忽忽珮珠暗解斷歸鴻消息雨沉沉前度劉郎
易老舊時飛燕難尋羅襟薄有淚痕侵釵股暗黃金
向寶奩密看綾箋小字長是驚心登臨漫勞眺遠但青
山杳隔暮雲深曾傍灣橋繫馬紫騮嘶度平林

花心動

泊舟四聖觀

言系不
肌雪浮香見梅花清姿漫勞凝竚淡粉最嬌羞把春口
長記壽陽眉嫵綠苔深逕尋幽地誰相伴凌波微步翠
鴛令芳塵路杳舊遊何處不信重城間阻終沒個因
由寄聲傳語寶炬凝珠綵筆呵冰密寫斷腸新句月寒
烟暝孤山下羞吟口斷橋邊去遮愁緒丹青怎生畫取

程

武

字楚客

念奴嬌

題馬嵬圖

蜀江城遠想連雲危樓接天窮處惆悵烟塵回首地雙
闕觚稜猶故龍扈星聯羽林風肅未放鸞駢去不堪掩
面淚沾宸袖如雨底事當日昭陽吹羌鳴羯渾却覓

裳舞三十六宮春滿眼曾把色嗅香妬芳草埋情飛花
墮怨翻被蛾眉誤畫圖驚見黯然魂斷今古

清平樂

曳雲搖玉裙蹙秋綃幅學得琵琶依約熟貪按雁沙新
曲曲終滿院春開清顰移上眉山心事被人猜破折
花背插雲鬟

小重山

香減鮫綃添淚痕綵雲長是恨等閒心玉笙猶記夜深
聞湘水杳寂寞隔巫雲翠被冷重熏做成歸夢了却
銷魂垂楊濃處著朱門依然是風雨掩黃昏

鄭熏初

字幼霞
號小山

八六子

憶南洲。紺波紫繞垂楊翠拂朱樓。念十載風流夢覺滿
身花影。人扶舊會暗遊。無言空愴離憂。醉袖裏將紅
淚吟牋寫許。清愁試與問楊瓊。解憐郎否也。應還是舊
家聲價。而今艷質不來眼底。柔情終在心頭。黯凝眸黃
昏月沈半鈎。

烏夜啼

題月海星天觀卽宋武所居故地

春江一望迷茫。辨桡檣無限。青青麥裏菜花黃。今古
恨登臨。淚幾斜陽。不是寄奴住處也。淒涼。

氏州第一

閒邇來禽春事過也江南倦客心苦料理花愁銷磨酒
病還是年時意緒寒淺香輕早一霎朝來微雨柳曲聞
鶯河橋信馬旋題新句漫道而今無賀鑄儘腸斷滿
簾飛絮說似風流除非小杜絕妙誇能賦黯相逢俱有
恨空流落江山好處猛拍闌干訴天知聲聲杜宇

一萼紅

憶燕臺正倚簾吹絮小立望郎來擬管調絲塗妝綰髻
密意曾記蜂媒空恁誤湔裙暗約最無奈好夢易驚回
想見而今淺顰雙翠沁破妝梅沈帶悄然寬盡恨年

時行處紅糝蒼苔前事重尋幽歎難偶鈿合空委鸞釵
這一點相思清淚做心下煩惱幾時灰數疊蠻牋怨歌
忍對花裁

石正倫

字璠林

清平樂

香搖穗碧梅巧紅酥滴雲旒寶釵蟬墜翼嬌小爭禁酒
力嫩窗芳思遲遲無端又斂雙眉貪把蘭亭學字一
冬忘了彈棋

綺寮怨

宮人斜弔古

綠野春濃停騎暖風飄醉襟漸觸目景物凄悲花無語

曲徑沉沉重檐繚垣靜鎖丹青暗斷軸塵半侵歎絳紗
玉臂封時何期掩夜泉流恨深已矣霜凋蕙心蘭昌
舊事雲容好信難尋竚立孤吟怕鳳履有遺音今宵珮
環奏月知倦客苦登臨驚飛翠禽松杉弄碎影晴又陰
漁家傲

春入桃腮生嫵媚妝成日日行雲意貪聽新聲翻歌指
工尺字窗前自品瓊簫試玉碾鸞釵珠結桂金泥絡
繒乾紅袂從把畫圖誇絕世金蓮地六朝未識雙鴛細
覽裳中序第一

憑高快醉目翠拂遙峯相對簇千丈漣漪瀉谷愛溶漾

墜紅染波芬馥何人笑掬想溫泉初卸綃縠春風蕩六
宮麗質那日賜湯沐 雙浴繡鳬飄逐恍記展江南數
幅而今髩邊漸鵠阮洞音稀懶訪仙躅繫船橋畔宿靜
聽夜泠泠奏曲長安遠渭流香膩暗憶曉鬟綠

張 艾

號船窗

夜飛鵲

荷花

霓裳按歌地涼影參差還是珮解江湄滄波正洗穠塵
根流霞空沁銖衣盈盈半鞠笑向朱闌凝竚欲訴心期
碧筒喚酒恐嬌娥來下瑤池 未許西風吹斷環步障
千重鎮護金猊落晚文禽點鏡分香竊翠却念幽鷓綵

雲驚鵲暗傷情不似芳時待清歌招些憐心問葯水杳
舟移

解語花

輕雷殷殷小枕驚回簾影搖庭戶嫩涼遙度江雲墮結
作西窗暗雨閑堦靜佇歎疎袂愁寬一縷凭盡闌潤葉
鳴條總是安秋處同喚扁舟晚渡漸聞歌招得採菱
儔侶臨平歸路花無數應識汀洲倦旅飛紅怨暮長趁
得斷鴻南浦閑枕衾誰更無聊應最憐紈素

繞佛閣

渚雲弄濕烟縷際晚江國遙碧鴻過無跡怕聞野寺孤

鐘動悽惻小橋路窄踈袖暗拂衰草愁聽蛩語還寂可
堪過了龜紗負瑤席 荏苒露華白一夜秋牕驚曉色
柳影孤危殘蟬空抱葉想搖落關情歸夢頻折物華消
歇盡倒斷寒塘幽香先減怨紅供拒霜啼頰

曾

棟

字原隆又字
子隆號月朋

浣溪沙

落日蒸紅山欲燒短筇行藥過山腰松聲隱隱晚來潮
矮樹依岩無敗葉梅花當路少全梢水村時有短長
橋

過秦樓

曙色開晴輕颺敷暖日影才經簷角倦來芳徑且倚闌
干觸地新愁粘著長日如年可堪恨雨絲絲夢雲漠漠
見鳴禽遞響乳鶯梳翅癡愁方覺凝望處初綠呈新
陳柯折舊忘了一春歸却不傷花老只怕花開解使朱
顏銷鑠寶扇輕搖亂拋花片教飛迎風低掠忍重攜素
手驟覺一分瘦落

杜龍沙

門雞回
求鐘商

鶯啼人起花露眞珠灑白苧衫青驄馬繡陌相將門雞
寒食下
回廊暝色惜惜應是待歸來也月漸高門猶

亞悶剔銀缸漏聲初入夜

按此詞詞律不載

踏莎行

波暖芹汀風香蕩圓清塵幾點茸茸雨畫船絲竹載梁
州綵旗繩板歡遊女修禊初三禁烟百五年華恰到
風流處一生只許百回春一回春到休輕負

謁金門

階露重浥透尋花雙鳳天色晴明風不動薄衫金絡縫
午枕高雲斜縱一覺風流春夢起看翻翻簾影弄夕
陽歸燕共

雨淋鈴

窗影玲瓏畫樓平曉翳柳啼鴉門巷漸有新烟東風定
人掃桐花峭寒斗減看旅雁爭起蒹葭遡斷雲多少悲
鳴數行又下遠汀沙應是故園桃李謝送清江一曲
闌干下染翰爲賦春羈嗟雙髻客舍成華繡鞭綺陌強
攜酒來覓吳娃聽扇底淒惋新聲醉裏翻念家按詞律只載黃裳一調而以屯田作証之此換平韻又句法不同少二字當是又一體

王大簡字敬子

浣溪沙

拂面涼生酒半醒
廉纖小雨晚初晴
過雲無定月虧盈
庭戶不關春悄悄
闌干倚徧夜深深
幾回風竹誤人

聽

更漏子

夢期疎書約誤腸斷夜窗風雨
銓暈冷漏聲遙酒消愁未消
想天涯芳草碧人與芳春俱客
憑杜宇向江城好啼三兩聲

陳坦之

字行簡

塞翁吟

遠碧秋痕瘦楚玉恨賦淒涼荷雨碎泣殘妝繫愁在垂楊秋衣拂疊仙梔露裁雲刀尺猶香詩錦字獻明璫肯容易相忘
思量空掩抑分宵緩枕終不敵涼譙漏長

自解珮蘭皋去後漸消滅香梅醞藉小杜踈狂年華駛
水髻影西風都付清觴

沁園春

睡起聞鶯捲簾微雨黃昏暹愁正青翰音斷離懷幾摺
碧雲暮合十里雙眸思發花前人歸雁後誤記歸帆天
際舟渾無據但餘香繞夢頻到西樓風流翻是花蠻
謾長遣眉山翠不流想哀箏繞指鴻移鳳咽殘燈背泣
玉沁春柔夜月精神朝陽微艷何處瑤臺輕駐留愁無
際被東風吹去綠黯芳洲

柳梢青

信然不與冬十一
綠弱紅癰煖雲沁雨乍有還無破曉幽禽平渠流水春
響庭除 梅酸初著花跗似滴滴新愁未紓幾信花風
一痕青燒萬里秦吳

謁金門

歸未卜頻側金軀纖玉明月綃窗停剪燭搦愁題蠹綠
秋水娟娟魚目腰素幾分銷縮接得雲牋無意讀雕
鞍何處宿

魏庭玉

字句濱

水調歌頭

璧月挂銀漢冷浸一江秋天公付我清賞仙籍桂香浮

極目江山如畫際晚雲烟凝紫秋色豁羈愁領首上雄
觀波影動簾鉤雁排空漁唱晚楚天幽湖陰一曲干
載成敗倩誰籌試問謫仙何處喚起于湖同醉小爲作
遨頭老子欲起舞擺脫利名休

賀新涼 贈送行諸客

暮雨初收霽凭闌干一江新綠遠山凝翠漠漠春陰添
客思悵望天涯無際又猛省平生行止楚尾吳頭多少
恨付吟邊醉裏消磨矣浮世事只如此陽關三疊徒
勞耳也何須琵琶江上掩青衫淚一斗百篇乘逸興要
借青天爲紙兒輩詫龍蛇飛起今夜月明呼酒處待明

朝酒醒帆千里且爲我唱新製

施翠巖

桂枝香

西風滿目漸院落悄清愁近銀燭多少蟲書墮翠又隨
波縠姮娥半露扶疎影向虛檐似知幽獨浦鴻聲斷枝
烏滿永芳夢難續記舊日離亭細屬早歸趁香邊酒
原本作頻泛醺醺誰遣而今對景黛蛾雙蹙玉鞭但共秋光
遠漫空憐如許金粟露零襟冷蕭蕭更兼數竿修竹

沁園春

夜登白鷺亭

披紫菟裘上白鷺亭看吹洞簫望長庚鯨過江橫素練

同仙鶴度月在青霄依約淮山清冷風露如到瀛洲聽
海濤浮圖近更玉鈴金鐸初奏琅玕 人間夢境寥寥
問故國繁華能幾朝有千年枯井龍沉鳳怨數邱黃壤
兔走猿號莫問榮華不如歸去短棹孤篷乘夜潮翠巖
下耕白雲二頃贍種仙苗

續雪谷

念奴嬌

砌紅慵掃問東風應念西園寥落簾捲垂楊鶯囀巧才
見還因飛却撚指光陰關心節序總在秋千索翻翻雙
蝶傍人爭趁行樂 曾記步月歸來秦箏彈徧共倚闌

干角別後池亭誰門艸多少芳遊擔閣世事升沉人生
聚散俯仰空如昨餘香猶在繡幃清曉寒薄

南歌子

眼媚雙波溜腰柔一搦纖問伊何事放珠簾笑道篆香
銷盡要重添數日寬金釧梳雲拂翠奩梅妝依舊落
虛檐題起一春心事兩眉尖

長相思

心悠悠恨悠悠誰剪春山兩點愁笙寒燕子樓曉星
稀暮雲飛織就回文不下機花飛人未歸

詞綜補遺卷十四